



REGIONE AUTONOMA FRIULI VENEZIA GIULIA

azienda per l'assistenza sanitaria

3 Alto Friuli, Collinare, Medio Friuli

DIPARTIMENTI DI SALÛT MENTÂL

Cjarte dai Servizis



DIPARTIMENT DI SALÛT MENTÂL

Il Dipartiment di Salût Mentâl (DSM) al è une strutture operative de AAS n. 3 "Friûl de Alte, Culinâr, di Mieç".

E je finalizade ae prevenzion, ae diagnosi, ae cure e ae riabilitazion des personis cun disturb psicich e ae organizazion di interventi indreçâts ae tutele e promozion de salût mentâl dai citadins.

Il DSM al opere par rimovi cualsisei forme di discriminazion, stigmatizazion, esclusion intai confronts des personis che a àn disasi e disturb mentâl, e al partecipe a promovì in maniere ative i plens e complets dirits di citadinance (lavôr, cjase, timp libar).

Il DSM al garantìs che i servizis e i presidis pe salût mentâl presints tal teritori a costituissin un complès organizatîf unic e coerent.

Il Dipartiment al agjìs in stret coordinament cui servizis distretuâi e si racuarde cu la comunitât e lis istituzions, promovint ancje la partecipazion dai citadins e in particolâr di utents e di familiârs aes ativitâts dal DSM.

Il Dipartiment di Salût Mentâl al è costituît di plui unitâts operativis:

SEDE	RECAPIT	TELEFON
CSM 24 oris di Tumieç JETS: 6	vie Bonanni n. 2	0433 43583 0433 44366
CSM 24 oris di Glemone JETS: 6	vie Santa Lucia n. 81	0432 971778
CSM 24 oris di San Denêl JETS: 8	viâl Trento-Trieste n. 3	0432 949750
CSM 12 oris di Codroip	viâl Duodo n. 12	0432 909190
Strutture Abilitazion e Residencis di Glemone	vie Santa Lucia n. 81	0432 971778

I CSM

La ativitât dal CSM, indreçade soreduet ae diagnosi, ae cure e ae riabilitazion, si ocupe des personis adultis di un ciert teritori. Intune peraule e à di garantî la *cjapade in caric* de persone cun disturb mentâl: la molteplicitât dai siei problemis, il sostegn ae sô famee, la cognossince e la mediazion dai conflits che a sucedin tal contest de sô vite.

I Centris di Salût Mentâl a costituissin duncje lis fondis dal Dipartiment di Salût Mentâl e a àn une vere e proprie sede operative teritoriâl.

Ogni CSM al garantîs chestis ativitâts:

- Visite ambulatoriâl
- Visite domiciliâr
- Ospitalitât diurne/*day hospital*
- Ospitalitât noturne
- Lavôr terapeutîc individuâl
- Lavôr terapeutîc cu la famee
- Ativitâts di grup
- Intervents di abilitazion e prevenzion
- Sostegns pal acès ai dirits e aes oportunitâts sociâls
- Sostegns al abitâ
- Ativitât di consulence

Servizi Abilitazion e Residencis

Il Servizi Abilitazion e Residencis al è stât creât par dâ plui sburt ae ativitât di abilitazion, di riabilitazion e di inclusion e integrazion sociâl a pro dai citadîns che a son jentrâts in contat cul Dipartiment di Salût Mentâl (DSM).

Il Servizi al articole i siei programs in lûcs diferenziâts che no puedin mai diventâ un sotet definitîf, al concierte i rapuarts cul DSM e cu la Cooperazion Sociâl e l'associazionisim convenzionât.

Al opere intun rapuart organic cui Centris di Salût Mentâl cu la *cjapade in caric* dai bisugns de persone doprant i Progjets Terapeutics Riabilitatîfs Personalizâts (PTRP).